



I N S T R U K C I J A
o pravu predlaganja za dodjelu pozicija članova i zamjenika članova biračkih odbora od strane političkih subjekata

Sarajevo, juni 2024. godine

Na osnovu člana 2.19 stav (7) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 31. sjednici, održanoj 11.06.2024. godine, donijela

INSTRUKCIJU

o pravu predlaganja za dodjelu pozicija članova i zamjenika članova biračkih odbora od strane političkih subjekata

Član 1. (Predmet)

Instrukcijom o pravu predlaganja za dodjelu pozicija članova i zamjenika članova biračkih odbora od strane političkih subjekata (u daljnjem tekstu: Instrukcija) propisuje se pravo predlaganja za dodjelu pozicija članova i zamjenika članova biračkih odbora od strane političkih subjekata u skladu sa članom 2.19 stav (7) Izbornog zakona Bosne i Hercegovine.

Član 2. (Pravo predlaganja članova i zamjenika članova biračkih odbora)

- (1) Pravo predlaganja za dodjelu pozicija članova i zamjenika članova biračkih odbora za svaku osnovnu izbornu jednicu za Lokalne izbore 2024. godine, iz te relevantne osnovne izborne jedinice imaju:
 - a) Politička stranka, nezavisni kandidat, koalicija ili lista nezavisnih kandidata koja je osvojila mandat na Lokalnim izborima 2020. godine, a ima ovjerenu kandidatsku listu za učešće na Lokalnim izborima 2024. godine u toj osnovnoj izbornoj jedinici.
 - b) Politička stranka koja je osvojila mandat na Lokalnim izborima 2020. godine u okviru koalicije, a ima samostalno ovjerenu kandidatsku listu za učešće na Lokalnim izborima 2024. godine u toj osnovnoj izbornoj jedinici, kao i nezavisni kandidat koji je osvojio mandat na Lokalnim izborima 2020. godine u okviru liste nezavisnih kandidata, a ovjeren je za učešće na Lokalnim izborima 2024. godine u toj osnovnoj izbornoj jedinici.
 - c) Koalicija koja ima ovjerenu kandidatsku listu za Lokalne izbore 2024. godine, a u čijem sastavu je jedna ili više političkih stranaka, koja/e je/su osvojila/e mandat na Lokalnim izborima 2020. godine u toj osnovnoj izbornoj jedinici, samostalno ili u okviru koalicije, odnosno lista nezavisnih kandidata koja ima ovjerenu kandidatsku listu za Lokalne izbore 2024. godine, a u čijem sastavu je jedan ili više nezavisnih kandidata koji su osvojili mandat na Lokalnim izborima 2020. godine u toj osnovnoj izbornoj jedinici, samostalno, ili u okviru liste nezavisnih kandidata.

- (2) Pravo predlaganja za dodjelu pozicija članova i zamjenika članova biračkih odbora za Lokalne izbore 2024. godine za Gradsko vijeće Grada Mostara imaju:
- a) politički subjekti iz stava (1) tačke a), b) i c) ovog člana kojima je ovjerena kandidatska listu u gradskoj izbornoj jedinici Grada Mostara (199),
 - b) politički subjekti iz stava (1) tačke a), b) i c) koji imaju ovjerenu samo jednu ili više kandidatskih listi u izbornim jednicama gradskog područja. Takvi politički subjekti prijedlog za članove biračkih i zamjenike članova biračkih odbora mogu popuniti samo u tim izbornim jednicama gradskog područja (151-156).

Član 3.
(Sačinjavanje liste)

Nakon ovjere kandidatskih listi Centralna izborna komisija Bosne i Hercegovine sačinije listu političkih subjekata koji imaju pravo učešća u postupku žrijabanja za dodjelu pozicija članova, odnosno zamjenika članova biračkog odbora za svaku osnovnu izbornu jednicu i dostaviti izornoj komisiji osnovne izborne jedinice.

Član 4.
(Stupanje na snagu i objava)

Ova instrukcija stupa na snagu danom donošenja, a objaviće se u „Službenom glasniku BiH“, „Službenim novinama F BiH“, „Službenom glasniku RS“, „Službenom glasniku Brčko distrikta BiH“ i na internet-stranici Centralne izborne komisije BiH www.izbori.ba.

Broj: 06-1-02-2-840/24
Sarajevo, 11.06.2024. godine

